



NEGERI PULAU PINANG

Warta Kerajaan

DITERBITKAN DENGAN KUASA

GOVERNMENT OF PENANG GAZETTE

PUBLISHED BY AUTHORITY

Jil. 64

No. 14

2hb Julai 2020

*TAMBAHAN No. 8
PERUNDANGAN*

Pg. P.U. 18.

AKTA JALAN, PARIT DAN BANGUNAN 1974

**UNDANG-UNDANG KECIL MENGKOMPAUN KESALAHAN-KESALAHAN
(MAJLIS BANDARAYA PULAU PINANG)
JALAN, PARIT DAN BANGUNAN 2020**

SUSUNAN UNDANG-UNDANG KECIL

BAHAGIAN I

PERMULAAN

Undang-undang Kecil

1. Tajuk ringkas, permulaan kuat kuasa dan pemakaian
2. Tafsiran

BAHAGIAN II

KOMPAUN

3. Pengkompaunan kesalahan-kesalahan

Undang-undang Kecil

4. Wang yang dikehendaki dipungut dan cara pembayaran

BAHAGIAN III

AM

5. Pembatalan dan peruntukan peralihan

JADUAL PERTAMA

JADUAL KEDUA

AKTA JALAN, PARIT DAN BANGUNAN 1974

UNDANG-UNDANG KECIL MENGKOMPAUN KESALAHAN-KESALAHAN (MAJLIS BANDARAYA PULAU PINANG) JALAN, PARIT DAN BANGUNAN 2020

PADA menjalankan kuasa yang diberikan oleh seksyen 133 Akta Jalan, Parit dan Bangunan 1974 [*Akta 133*], Pihak Berkuasa Negeri dengan ini membuat undang-undang kecil yang berikut:

BAHAGIAN I

PERMULAAN

Tajuk ringkas, permulaan kuat kuasa dan pemakaian

1. (1) Undang-undang kecil ini bolehlah dinamakan **Undang-Undang Kecil Mengkompaun Kesalahan-Kesalahan (Majlis Bandaraya Pulau Pinang) Jalan, Parit dan Bangunan 2020**.

(2) Undang-Undang Kecil ini hendaklah mula berkuat kuasa pada tarikh ia disiarkan dalam *Warta*.

(3) Undang-Undang Kecil ini hendaklah terpakai bagi kawasan Majlis Bandaraya Pulau Pinang.

Tafsiran

2. Dalam Undang-Undang Kecil ini, melainkan jika konteksnya menghendaki makna yang lain—

“Akta” ertinya Akta Jalan, Parit dan Bangunan 1974 [*Akta 133*];

“Datuk Bandar” ertinya Datuk Bandar Majlis Bandaraya Pulau Pinang; dan

“Majlis” ertinya Majlis Bandaraya Pulau Pinang.

BAHAGIAN II

KOMPAUN

Pengkompaunan kesalahan-kesalahan

3. (1) Kesalahan-kesalahan yang dinyatakan dalam ruang A Jadual Pertama boleh dikompaun dengan jumlah bayaran sebagaimana dinyatakan dalam ruang B Jadual Pertama.

(2) Datuk Bandar atau mana-mana pegawai yang diberikan kuasa secara bertulis oleh Datuk Bandar boleh, dengan keizinan bertulis Pendakwa Raya, mengkompaunkan mana-mana kesalahan di bawah perenggan (1) dengan

membuat suatu tawaran bertulis kepada orang yang disyaki telah melakukan kesalahan itu, untuk mengkompaunkan kesalahan itu dengan membayar kepada Majlis sejumlah wang bagi kesalahan itu dalam tempoh yang dinyatakan dalam tawaran itu.

(3) Sesuatu tawaran di bawah perenggan (2) boleh dibuat pada bila-bila masa selepas kesalahan itu dilakukan tetapi sebelum apa-apa pendakwaan baginya dimulakan.

(4) Walau apa pun perenggan (3), jika jumlah yang dinyatakan dalam tawaran itu tidak dibayar dalam tempoh yang dinyatakan dalam tawaran itu, atau apa-apa tempoh lanjutan sebagaimana yang dibenarkan oleh Datuk Bandar, atau mana-mana pegawai yang diberikan kuasa secara bertulis oleh Datuk Bandar, orang itu hendaklah dituduh dengan kesalahan yang berhubungan dengan tawaran kompaun itu.

(5) Jika suatu kesalahan telah dikompaunkan di bawah perenggan (2), dan orang itu tidak dituduh atas kesalahan itu, apa-apa benda yang disita berkaitan dengan kesalahan itu boleh dilepaskan, tertakluk kepada apa-apa terma dan syarat yang ditetapkan.

Wang yang dikehendaki dipungut dan cara pembayaran

4. (1) Jumlah kompaun yang boleh ditawarkan oleh Majlis bagi apa-apa kesalahan yang dilakukan di bawah Akta hendaklah tidak kurang daripada lima belas peratus (15%) dan tidak boleh melebihi lima puluh peratus (50%) daripada kadar maksimum denda yang diperuntukkan dalam Akta.

(2) Segala wang pembayaran kompaun hendaklah dibayar dengan wang tunai, kiriman wang, wang pos, pesanan juruwang, pesanan bank, atau bank draf yang dibuat untuk dibayar kepada Datuk Bandar, Majlis Bandaraya Pulau Pinang dan hendaklah dipalang dengan perkataan "Akaun Penerima Sahaja".

(3) Walau apa pun perenggan (2), pembayaran juga boleh dibuat secara bayaran atas talian atau melalui apa-apa cara lain yang ditetapkan oleh Majlis dari semasa ke semasa.

(4) Pembayaran boleh diserahkan di pejabat Majlis atau di mana-mana cawangan yang ditetapkan oleh Majlis, dan jika bayaran dibuat melalui pos, bayaran itu hendaklah dialamatkan kepada Datuk Bandar, Majlis Bandaraya Pulau Pinang.

(5) Tiap-tiap bayaran yang diterima hendaklah dimasukkan sebagai wang hasil Majlis Bandaraya Pulau Pinang dan suatu resit rasmi hendaklah dikeluarkan kepada orang yang telah diberikan tawaran mengkompaun itu.

(6) Tawaran untuk mengkompaun sebarang kesalahan tersebut dan penerimaan tawaran hendaklah dibuat dalam Borang 1 Jadual Kedua.

BAHAGIAN III

AM

Pembatalan dan peruntukan peralihan

5. (1) Undang-Undang Kecil (Mengkompaun Kesalahan-Kesalahan) Jalan, Parit dan Bangunan 1980 [Pg.P.U. 39] bertarikh 20 November 1980 adalah dibatalkan.

(2) Apa-apa notis, perintah, kompaun, lesen atau dokumen yang dibuat atau dikeluarkan di bawah undang-undang kecil yang dibatalkan hendaklah disifatkan sebagai telah dibuat atau dikeluarkan di bawah Undang-Undang Kecil ini dan hendaklah terus berkuat kuasa sehingga dibatalkan.

JADUAL PERTAMA

**UNDANG-UNDANG KECIL MENGGOMPAUN
KESALAHAN-KESALAHAN (MAJLIS BANDARAYA PULAU PINANG)
JALAN, PARIT DAN BANGUNAN 2020**

[Undang-undang kecil 3]

A	B
Kesalahan-Kesalahan	Had Jumlah Minimum/ Maksimum Bayaran Kompaun
Seksyen-seksyen – 72(4), 84(2) dan 124(3).	Tidak kurang daripada RM37.50. Tidak melebihi RM125.00.
Seksyen-seksyen – 4(3), 29, 30, 31, 38, 46, 47(1), 56, 57, 76(2), 78(2), 79(4), 87(5) dan 104(3).	Tidak kurang daripada RM75.00. Tidak melebihi RM250.00.
Seksyen-seksyen – 9(9), 34, 40, 41, 42, 43, 47(2), 55, 58, 59, 80, 100 dan apa-apa kesalahan lain di bawah Akta yang baginya tiada penalti diperuntukkan dengan nyata.	Tidak kurang daripada RM150.00. Tidak melebihi RM500.00.
Seksyen-seksyen – 9(7), 52, 82(3) dan 85(3) Akta atau kesalahan-kesalahan di bawah mana-mana undang-undang kecil yang dibuat di bawah Akta.	Tidak kurang daripada RM300.00. Tidak melebihi RM1,000.00.

A	B
Kesalahan-Kesalahan	Had Jumlah Minimum/ Maksimum Bayaran Kompaun
Seksyen-seksyen – 16(3) dan 17(4).	Tidak kurang daripada RM750.00. Tidak melebihi RM2,500.00.
Seksyen-seksyen – 73(1), 73(2) dan 121.	Tidak kurang daripada RM1,500.00. Tidak melebihi RM5,000.00.
Seksyen-seksyen – 70(11) dan 70(12).	Tidak kurang daripada RM3,750.00. Tidak melebihi RM12,500.00.
Seksyen-seksyen – 39(1), 70(13) dan 70A(9).	Tidak kurang daripada RM7,500.00. Tidak melebihi RM25,000.00.
Seksyen-seksyen – 39(2), 70B(15) dan 85A(13).	Tidak kurang daripada RM15,000.00. Tidak melebihi RM50,000.00.
Seksyen – 71.	Tidak kurang daripada RM75,000.00. Tidak melebihi RM250,000.00.

JADUAL KEDUA

UNDANG-UNDANG KECIL MENGKOMPAUN
KESALAHAN-KESALAHAN (MAJLIS BANDARAYA PULAU PINANG)
JALAN, PARIT DAN BANGUNAN 2020

[Undang-undang kecil 4]

BORANG 1

TAWARAN MENGKOMPAUN SUATU KESALAHAN

Kepada:

.....
.....

Rujukan:.....

Menurut aduan yang diterima, kamu telah didapati melakukan kesalahan berikut:

Peruntukan undang-undang yang berkaitan:

Tarikh: Waktu:

Tempat:

Butir-butir kesalahan:

2. Menurut kuasa yang diberi kepada saya oleh Undang-Undang Kecil Mengkompau Kesalahan-Kesalahan (Majlis Bandaraya Pulau Pinang) Jalan, Parit dan Bangunan 2020, saya dengan ini menawarkan untuk mengkompau kesalahan itu dengan bayaran wang sebanyak Ringgit Malaysia
.....
(RM).

Jika tawaran ini diterima, pembayaran hendaklah dibuat dengan wang tunai, kiriman wang, wang pos, pesanan juruwang, pesanan bank atau bank draf yang dibuat untuk dibayar kepada Majlis Bandaraya Pulau Pinang dan dipalang dengan perkataan "Akaun Penerima Sahaja" atau boleh diserahkan dengan sendiri ke alamat yang berikut :

.....
Pembayaran melalui pos hendaklah dialamatkan kepada Datuk Bandar, Majlis Bandaraya Pulau Pinang. Resit rasmi akan dikeluarkan apabila kompau dibayar. Pembayaran juga boleh dibuat secara bayaran atas talian atau melalui apa-apa cara lain yang ditetapkan oleh Majlis dari semasa ke semasa.

3. Tawaran ini hendaklah tamat pada Jika pembayaran penuh jumlah wang yang dinyatakan di atas diterima pada atau sebelum penutupan urusan pada tarikh tersebut, tiada tindakan undang-undang akan diambil terhadap kamu berhubung dengan kesalahan tersebut. Jika tidak, pendakwaan akan dijalankan tanpa notis selanjutnya atas kesalahan yang dinyatakan di atas.

Bertarikh

*

* (Untuk ditandatangani oleh orang yang diberi kuasa mengkompaun dan nama serta nama jawatannya hendaklah dinyatakan di bawah tandatangan).

PENERIMAAN TAWARAN MENGGOMPAUN

Kepada:

Datuk Bandar,
Majlis Bandaraya Pulau Pinang

Saya merujuk kepada tawaran mengkompaun suatu kesalahan di bawah rujukan dan bertarikh Saya terima tawaran itu dan sertakan bersama-sama ini *wang tunai/kiriman wang pos/pesanan juruwang/ pesanan bank/bank draf No. /bayaran secara atas talian (resit disertakan) untuk jumlah sebanyak Ringgit Malaysia: (RM.....) bagi menjelaskan bayaran kompaun itu.

* Potong mana yang tidak berkenaan.

Tandatangan:

Nama (Huruf Besar):

No. Kad Pengenalan:

Alamat:

Tarikh:

Dibuat pada 22 Mei 2020

[PSUKPP/(R)/04/0752/4-22 Klt 74(16); MBPP.UU.700-1/2/7;

PUNPP 352/100/1/2/SUB/79]

MUHAMAD AZRAI BIN MOHAMAD ZAINI
Setiausaha
Majlis Mesyuarat Kerajaan Negeri
Pulau Pinang